

Käl-Ifäesus 2:2 Tätiläläm äzzäman-en a-wa fäll-tegl' äddunya, tamašaläm a-wa fälla-wän irha Iblis-i äminakälän fäll-alšinän-i əlläynen, ämiinakäl day fäll-inämašrayän wi n-imeffellégän.

Mätti 6:10 səmyärnet äddinät isəm-näk wa šaddijän. Taset-dd Təmmənəyal Təmmənəya n-Mässinäy-näk, äjet erhet-näk fäll-ärori n-äkall, s-əmmək wa s-ijs däy-işənnawän.

Luqa 22:42 ijanna: «Abba, kunta tärhed a-wen-däy, səssijej-ahi kara n-tisnant-tadäy mäšan hakd a-wen-däy, äjet erhet wa-näk wädden wa-nin.»

Exya 16:7-9 Tidət a hawän-ənnəy, u'-awän ad-ägläy ed, afäl wär-əgley, wär mad-käwän-dd-ass änabdid, afäl əgley, ad-hawän-t-dd-sukäy. 8Afäl dd-osa änabdid, ad-isəlməd a-s toška äddunya däy-a-wa ämoosän abäkkad d-a-wa ämoosän iqud d-a-wa ämoosän ässhäreya n-Mässinäy; 9ad-isəlməd äddinät a-s oškan däy-isälan n-ibäkkadän ed, wär sär-i omenän,

2 Timoti 2:10 A-wen-däy a fäl əşbaräy härät iket-net däy-təssəba n-äddinät wi äsnäfrän Mässinäy däy-ittus n-ad-ənmıwädän əntäned-däy d-əlyəllas wa ihäkk Ǝisa Älmasex d-älxurmät wa iyälän där-äddew.

Käl-Roma 15:20,21 Däy-iji n-isälan-en, jey ittus i-iman-in n-a-s wär səllənžey ar idäggan wi s-käla wär əslen i-isəm n-Älmasex ed, wär-ärhey ad-ädyäy fäll-ässas ässinta äwadəm dat-i. 21Jey a-wen däy-ənniyät n-ad-ämašäläy a-wa innä əlkəttab n-Mässinäy a-s innä: «Wi s-wär käla əslän i-isəm-net, ad-t-ənhəyän; wi s-wär käla əslän i-isälan-net, ad-t-əjrähän.»

Ijital n-Inəmmušal 2:36,37 Ašäl-i, əlmədnet käl-Israyil iket-däy-näsän a-s Ǝisa wa təşləbäm fäll-tajettewt, ənta a ija Mässinäy Emäli d-Älmasex!» 37 Idəs mäjräd wa ija Bətrus ulhawän n-äddinät wi has-äsjädnen, ənnän-as ənta d-inəmmušal wi iyyäqnen: «Ayətma-näy, ma hanäy-iwarän?»

Yäbranitän 4:2 Älənžil-wa-däy s-nəsla a-s əslän imärawän-nänäy mäšan, wär tän-infa s-härät, äsjädän-asän mäšan wär sär-s omenän i-ad-tän-infəw s-härät.

Yirmiya 24:7 - Mätti 22:37 Inn'-as Ǝisa: «Alämär wa ojärän da: <Ad-tärhəd Emäli-näk Mässinäy s-ulh-näk imda, tärhəd-t s-iman-näk əmdan, tärhəd-t s-tayette-näk iket-net.»

Ijital n-Inəmmušal 16:14 Täsjäd-anäy tiyyät däy-snät n-tämkəsaqt n-Mässinäy s-isəm-net Lidya, tu-maməlat n-ayrəm wa n-Təyatir hin-žänset mäşär wa n-nefran n-ini šäggäyän. Orä Emäli ulh-net, tomän s-a-wa has-ijännna Buləs,

Mätti 13:14-16 Ämoos a-wen a ässiitbätän a-wa fälla-sän inna ännäbi Saya a-s innä, innä Mässinäy: «Äddinät! Ad-salläm, wär järrəhäm; ad-təkyadäm, täsibälaläyäm, wär t-illa a hannäyäm.» 15 Ǝnta day a innän a-s, innä Mässinäy: «Tamətte-ta-däy, täsər-ahi ulh-net; təzmäzzaj'-ahi iman-net, täsəräyäl-ahi iman-net i-ad-äbas hannay, äbas sall, i-ad-wär järrəh härät fäl iba n-tärha-i-däy ja n-ad-sär-i dd-tənnäd, tutab, zuzəyäy-tät.» 16 Inna Ǝisa ḍarät-a-wen i-inəttulab-net: «Təndəd-awän kawäned ed hannäynät tiṭṭawen-näwän, sallänät day timəzzujen-näwän.

Inn'-asän 6:9,10 - Ijital n-Inəmmušal 28:27 fäl-a-s tamətte-i, täsər-ahi ulh-net,

täyfäl-ahi timəzzujen-net, tähär-ahi tiṭṭawen-net i-ad-wär hennay, wär səll, i-ad-wär t-illa a isalmađan ulh-net, i-ad-sär-i dd-tənnäđ, zuzəyäy-tät.

Marqəs 4:11,12 Inn'-asän: «Käwäneđ, təjrawäm turhajät n-ujreh n-əddäraj wa āmoosän isälan n-Təmmənəya n-Mässinäy mäšan, äddinät wi iyväđnen n-ajäma, a-wa s-e-əslən iket-net, tangalen a däy-has-e-əslən i-innin: 12 <Ad-əswađan, wär hennayän, əsijädän, wär səllən; i-ad-wär t-illa a jarrähän, i-uday ad-utabän s-Mässinäy, əjrəwän tenäşše.» »

Exya 12:39,40 Āqqrən ulhawän n-käl-İşrayil fäl-a-s, innä ännäbi Saya day: 40 «Āsdäryäl-tän Mässinäy, əsyär ulhawän-näsän i-ad-wär hennayän s-tiṭṭawen-näsän, əjrähän härät s-ulhawän-näsän, utabän i-ad-tän-izuzəy Mässinäy.»

Käl-Roma 11:7,8 A-wen-š, ma āmoos älmäyna-net? Ajän a-wa s-əmmäyän käl-İşrayil, wär t-əjrewän? Əjrəwän-t däy-sän lab wi däy-sän əsnäfrän Mässinäy. Wi iyväđnen wären əjrew a-wen, asyär a has-jän ulhawän-näsän. 8 Isälan n-a-wen-däy a däy-innä əlkəttab n-Mässinäy: «Işşəsläl-tän-in Mässinäy i-ad-wär hennayän, wär səllən. Ənta-den-däy a-wa ijrəwän käl-İşrayil har ašäl-i-däy.»

2 Käl-Täslonika 2:10,11 wär t-təlla tälläbäst d-iba n-iqqud s-wädden ad-t-äj i-ad-isəswəd äddinät wi hänen tabarät n-tanməšrayt s-əlhəllak əs a hasän-iqgalän, əsyärän ulhawän-näsän i-tidət ta lät s-ad-tän-täyləs. 11 Däy-təssəba n-a-wen-däy, a fäl hasän-işläy Mässinäy, oyy'-en oðän däy-a-wa tän-itakärrasän, išinməšrəy-tän.

Mätti 13:18-23 Säjdät ämära i-älmäyna n-tangalt ta n-ənäsdamu: 19 «Ābara wa däy-oðänät tiblalen, ənta a-s äddinät wi sällänen i-isälan n-Təmmənəya n-Mässinäy mäšan, wär tän-järrähän, as'-en-dd Iblis, ilbəy-dd däy-ulhawän-näsän a-wa s-əslən. 20 Tihun ti jer-oðänät tiblalen, əntänätəd a-s äddinät wi s-e-d isla iyyän däy-sän i-mäjräd n-Mässinäy, ad-ihliləy, iqbel-t šik mäšan, 21 wär t-itəyy ikraš ikewän däy-ulh-net; ad-äj əzzäman əndärrän əkoyad däy-s, mäšan afäl dd-tosa tissust mey osä-dd əlyizabät däy-təssəba n-mäjräd n-Mässinäy, ad-hin-ibbuṭṭəl a-wa s-omän. 22 Tabəñənt ta jer-oðänät tiblalen, ənta a-s äddinät wi s-e-d isla iyyän däy-sän i-mäjräd n-Mässinäy, ad-has-iżməd däy-ulh-net s-tärha n-wälät-äddunya d-eyläl n-tärha n-ajmur-net, wär t-illa a sär-s dd-isaysal. 23 Ākall wa oläyän däy-oðänät tiblalen, ənta a-s äddinät wi s-e-d isla iyyän däy-sän i-mäjräd n-Mässinäy, ad-t-ijräh, ijjəš-as-t əlfäyda. Tarəw-dd sär-s tiyyät tablalt temede n-tablalt, tarəw-dd sär-s tiyyät sädisät timərwen n-tablalt, tarəw-dd sär-s day tiyyät käradät timərwen n-tablalt.»

2 Käl-Kurənta 3:15,16 Ijmađ-t ässäk a-s har ašäl-i-däy, kud-āyrän əlkəttabän wi iktäb ännäbi Mosa-däy, ad-tän-asən, wär hasän-len ujreh ed, ilsa härät tiṭṭawen n-ulhawän-näsän, 16 mäšan äddinät wi əkfänen iman-näsän i-Emäli, äbas äšikänbäš härät i-idmawän-näsän.

Ozi 11:3-7 - Mätti 11:28-30 Inn'-asän day: «Əyyawät iket-däy-näwän käwäneđ-i əsifägga äzuk wa tällinjem, ad-hawän-sunfäy, 29 mašälät erhet wa-nin, təyyəm-ahi ad-käwän-säyräy ed näkk, əzeedäy, hahi-tazidert, wär hi-ihə əkkəbru; ənta-den-däy a-wa hawän-ha täsonfat n-iman-näwän, täyləsäm. 30 A-wa fälla-wän ərhey, wär-əzzay, amişəl n-erhet-in day, i fäsuusän.»

Ijital n-Inəmmuşal 26:18 i-ad-tarəd tiṭṭawen-näsän, əzjärän-dd tihay s-ənnur, əzjärän-dd tärna n-Iblis s-Mässinäy, amənän sär-i i-ad-tän-əkfäy tenäşše n-

ibäkkadän i-ad-ahərən tăkasit d-iməššeddəjən wi iyyădnen.

- 2 Timoti 2:24-26 Akli n-Emäli, umaset emärh, wădden emekkennəs, umaset ere äddooben ăsəyər n-ăddinät, ere išmärän inälläbäsän; 25 iwar-t s-ad-itajj i-ăddinät wi t-ăddukrättenen ālwižabän āhuuskättenen ed iha miši s-ad-tän-äkf Mässinäy turhajät n-ad-səmməeskəlän erk əzzənəf wa hän, utabän, əzzəyən tidət, 26 dihen, ad-tän-dd-əqqələn iman-näsän, ad-ăbas āllilän erhet n-Iblis, isidəw-tän dăy-tändärbaten-net.

Tänäfalilt 3:17-19 Janned: Näkk-i-dăy, ăbbiyäräy, wär t-illa făw a hin-ođanäy. Janned a-wen-dăy a-s ija a-wen, wär təssenäm a-s ayäna a hed. Amäskoy kăyy, lăqqəwăd, dăryalăd, yălulăd. 18 Äyy-ahi ad-kăy-sənnəmhəlăy: žänš făll-i orăy ăşşısdăj efew i-ad-tətbət terše-năk i-ehäre; žänš făll-i isəlsa măllolnen i-ad-təştərăd; žänš făll-i tiđrəbba n-asäfar wa n-tiđawen, səssəfärăd i-ad-təknəd ahänay. 19 Əlməd a-s näkk, ere ărhey a sasayadăy, ყattäläy-t i-ad-ilməd s-a-wen. A-wen-dăy a făl utab, tukasăd dăy-alkum-hahi.

- 2 Kăl-Kurənta 7:10 Tisnant ta s-Mässinäy a tăt-dd-orăwän săr-năy, wär la imujraż ed tiirəw-dd săr-năy tăbədđawt d-a-wa läbasän nətamaşal, näyləs, a-s ija a-wen, tisnant ta s-ăddunya a săr-năy-tăt-dd-orăwän, ten, uşreyän-net, əlhəllak ȳas.

1 n-İmänokalän 18:37 - God turned heart back to God

- 2 Kăl-Kurənta 4:4 ănimăşräyən i-Mässinäy, ăsdăryäl-tän Iblis-i ăminakälän făll-ăddunya-ta-dăy, igdăl-asän ahänay n-ănnur wa măqqärän ăsmäymäyən ihän isälan n-Älənžil-i hanäy-isalmadän s-ălxurmăt n-ănnur wa ihän Älmasex-i s-ăwadəm wa t-inhäyən, inhäy Mässinäy.

Luqa 8:11-15 «Ămăra, tangalt, ălmäyna-net da: Tiblalen a-s măjrăd n-Mässinäy. 12 Abara wa dăy-ođänät tiblalen tiyyăd, ənta a-s ăddinät-wi sallänen i-măjrăd n-Mässinäy, as'-en-dd Iblis, ilbəy-t-dd dăy-ulhawän-näsän i-ad-wär-omenän s-Mässinäy, iyłəs-tän. 13 Tihun ti jer-ođänät tiblalen tiyyăd, əntänätəd a-s ăddinät-wi s-e-d əslän i-măjrăd n-Mässinäy, ad-əhləyləyən, ăqbəlän-t šik, măšan wär t-təyyən ikraš ikewän dăy-ulhawän-näsän, ad-əjən ăzzäman əndärrän ălmăt ătubän, măšan afäl ătwăžzurrăben, ad-hin-əbbuttəlän a-wa s-omänän. 14 Tabăñjənt ta dăy-ođänät tiblalen tiyyăd, ənta a-s ăddinät wi s-e-d əslän i-măjrăd n-Mässinäy, ad-tän-ăyləbän inəzjam n-tärha d-ajmur d-iżəjraż n-wălăt-ăddunya, əzmədän-as, indär-asän ad-əhələn s-data dăy-tuksəda-näsän i-Mässinäy. 15 Ākall wa oläyän dăy-ođänät tiblalen tiyyăd, olăh d-ăddinät-wi s-e-d əslän i-măjrăd n-Mässinäy, ad-t-əknən uđəf s-särho dăy-ulhawän-näsän, ad-hasän-t-ijjəš ălfäyda ăddewän d-akuyəd.»

Ijital n-İnəmmuşal 15:11 Wădden ănnuymăt n-Emäli ȳisa-i s-nomän, iyłəs-anäy, ənta day a-s omänän əntäned-dăy.

Kăl-Roma 8:13 Ere ättilälän erhet n-tayəssa-net, tamăttant ȳas a dd-e-arəw s-iman-net măšan, ere wa hin-ijärän s-tärna n-Unfas Šăddijän erhet n-tayəssa-net, tămudre ta n-tidət a dăy-s təlkamăt.